

d' Peffermillen

De Koschter, grad wi den Här Bëschof, den LW-Direkter, de Lambert Schlechter a wuel nach vill aner Leit, wor erschreckt, wi en dem Josy Braun säin Artikel am tageblatt vum 25. Juni 1977 gelies huet, wou en de Poopt Paul VI. mam Idi Amin zesumme wëllt oofsetzen a praktesch gläichstellt. Wann de Koschter och de sarkasteschen Toun ka verstoen, su mengt en awer, och deen hätt Limiten, fir dass e kann als sollechen eescht geholl gin. Et fannen sech och objektiv Feeler an deem Artikel (z.B. dass de Poopt de Fall Lefêbvre héich-gespillt hätt - wu dach eendeiteg d'Massemedien dodru Schold sin.)

Méi schlëmm fënnt de Koschter awer, dass den Här bëschof et fir néideg fonnt huet, ausgerechent op dësen Artikel öffentlech matt engem Protest-bréif ze äntwerten. Wéi oft goufe schon an där Zeitung, di vun sech behaupt, der Kiirch nozeston, Chrëschten an Nët-Chrëschten duerch den Dreck gezun oder lächerlech gemat, ouni dass den Här Bëschof öffentlech dogéint protestéiert hätt!!? Dem Här Bëschof säi Protest am "t" schéngt dem Koschter dofir onglafwierdeg.

Vrun e puer Wochen konnt e gewëssen "Argus" am LW behaupten, d'Schlussprozeßioun wär eng eenzeg grouss Manifestatioun géint d'Regierung gewiescht, ouni dass d'Bistum dësen ongeheierlechen parteipolitesche Mëssbrauch vun engem reliëise Fest iirgendwéi richtegstelle gelooss hätt. Haut protestéiert den Här Bëschof eenzeg an eleng géint en Ausrutscher am tageblatt. An der Synodevierlag iwert "Glaw a Politik" schéngt (dem Koschter wéinegstens) eng aner Haltung gefuерт ze gin.

GAG

De Koschter as frou, dass d'Iddi vun enger erweiterter Redaktiounskonferenz esou groussen Uklank fonnt huet. (vgl. forum 16, läscht Säit). E wär awer frou, wa fir dëi näxte Kéier (13.9.77) sech géif méi wéi een umällen (Tel. 269 75). "Der Leser sind viel, aber der Mitarbeiter wenige" (Goethe o.ä.)